

MEMORANDUM MIRËKUPTIMI
midis

**AUTORITETI KOMBËTAR PËR CERTIFIKIMIN ELEKTRONIK DHE SIGURINË
KIBERNETIKE**

AGJENCIA KOMBETARE E SHOQËRISË SË INFORMACIONIT

REPUBLIKA E SHQIPËRISË

dhe

AGJENCISË KOMBËTARE PËR PËRGJIGJE NDAJ INCIDENTEVE KIBERNETIKE

REPUBLIKA E RUMANISË

Autoriteti Kombëtar për Certifikimin Elektronik dhe Sigurinë Kibernetike (AKCESK), Agjencia Kombëtare e Shoqërisë së Informacionit (AKSHI) për Republikën e Shqipërisë dhe Agjencia Kombëtare për Përgjigje ndaj Incidenteve Kibernetike i Republikës së Rumanisë (CERT-RO)

Këtej e tutje, Palët:

Të Vetëdijshme për rëndësinë e bashkëpunimit ndërinstitucional për të përmirësuar aftësitë mbrojtëse nëpërmjet shkëmbimit reciprok të informacionit mbi sigurinë kibernetike dhe

Të Bindur që ky bashkëpunim i ndërsjellët do të rezultojë në një kontribut të efektshëm në këtë fushë;

Me Dëshirën e Mirë për të kontribuar në bashkëpunimin nëpërmjet zhvillimit të marrëdhënieve ndërmjet dy institucioneve;

Duke Deklaruar gatishmërinë e tyre në ndërmarrjen e aktiviteteve në kuadër të harmonizimit të legjislacionit dhe të zgjerimit të bashkëpunimit të tyre të ndërsjellët në fusha me interes të përbashkët, duke krijuar kështu një kuadër dhe mjedis mbështetës bazuar në barazi, mos diskriminim, dhe në një baraspeshë të të drejtave dhe detyrimeve;

Duke Riafirmuar vendosmërinë e tyre për të kontribuar në mënyrë konstruktive dhe thelbësore në procesin e zbatimit të legjislacionit respektiv të institucioneve;

Kanë Vendosur, në ndjekje të këtyre objektivave, të arrijnë në Memorandumin e Mirëkuptimit të mëposhtëm:

Neni 1

Qëllimi

Palët do të bashkëpunojnë në fushat kryesore për të rritur informimin dhe shkëmbimin e informacionit në një infrastrukturë të hapur, ndërvepruese, të sigurt, dhe të besueshme duke pasur prioritet fushën e sigurisë kibernetike.

Neni 2

Parimet dhe vlerat e bashkëpunimit

Të dy institucionet konfirmojnë që ndajnë të njëjtin qëndrim për sa i përket sigurisë kibernetike. Palët angazhohen të punojnë mbi parimin e reciprocitetit për të asistuar, bashkëpunuar, në fushën e sigurisë kibernetike, duke respektuar privatësinë e njëra-tjetrës.

Neni 3

Angazhimet e palëve

Palët në këtë Memorandum Mirëkuptimi angazhohen që:

- Të bashkëpunojnë për trajtimin e incidenteve në hapësirën kibernetike.
- Të shkëmbejnë përvojat në fushën e sigurisë kibernetike dhe të krijojnë hapësira për pjesëmarrje në aktivitetet ndërkombëtare të fushës.
- Të vendosin në dispozicion programet dhe trajnimet që kanë qëllim ngritjen dhe avancimin e stafit të tyre.
- Të identifikojnë mundësitë për shkëmbime akademike dhe bashkëpunim në kërkim dhe zhvillim.

Neni 4

Komunikimi i palëve

- Palët angazhohen të mbajnë një komunikim të vazhdueshëm ndërmjet tyre dhe të shkëmbejnë çdo informacion të nevojshëm për përmbushjen e detyrave të tyre. Komunikimi do të kryhet me e-mail.
- Palët do të caktojnë një person kontakti me njohuri të specializuara të fushës që do të jetë përgjegjës për zbatimin konkret të Memorandumit të Mirëkuptimit.
- Personat e kontaktit nga të dyja palët do të jenë të disponueshëm në çdo kohë për komunikimin dhe koordinimin e veprimeve me palën tjetër.

Neni 5

Konfidencialiteti i informacionit dhe ligjshmëria

- Secila Palë do të sigurojë konfidencialitetin e informacionit të marrë nga Pala tjetër.
- Informacioni i marrë në kuadër të këtij Memorandumi Mirëkuptimi nuk do t'i zbulohet palës së tretë pa lejen me shkrim të Palës që ka dhënë këtë informacion, përveç rasteve kur kërkohet nga ligjet e aplikueshme kombëtare.
- Palët angazhohen të mbajnë ligjshmërinë e të gjitha veprimtarive të kryera sipas këtij Memorandumi Mirëkuptimi dhe do të informojnë njëra-tjetrën sa herë që ka ndonjë dispozitë

ligjore kombëtare ose ligjore të BE-së që do të kufizonte ose impononte kushte të caktuara në aktivitetet e bashkëpunimit.

Neni 6
Ndryshime

Memorandumi i Mirëkuptimit mund të ndryshohet vetëm me miratimin e ndërsjellët me shkrim të Palëve.

Neni
Afati

Ky Memorandumi Mirëkuptimi lidhet me një afat të pacaktuar. Memorandumi Mirëkuptimi mund të përfundojë në çdo kohë. Përfundimi do të hyjë në fuqi me marrjen e njoftimit me shkrim nga Pala tjetër. Deri në përfundimin e këtij Memorandumi Mirëkuptimi, Palët do t'u përmbahen detyrimeve që rrjedhin prej tij, për sa i përket informacionit dhe dokumenteve të shkëmbyera përpara datës së përfundimit të tij.

Neni 8
Nënshkrimi dhe hyrja në fuqi

Ky Memorandumi Mirëkuptimi do të hyjë në fuqi në datën e nënshkrimit nga Palët dhe do të jetë në fuqi derisa njëra prej Palëve të ketë njoftuar Palën tjetër me shkrim, 3 (tre) muaj përpara përfundimit të saj.

Nënshkruar në Tiranë, më 21/11/2018, në tre kopje origjinale, në gjuhën shqipe, rumune dhe angleze, duke qenë të gjithë tekstet njëloj autentike. Në rast të mosmarrëveshjeve në interpretim, teksti në gjuhën angleze do të ketë përparësi.

**AUTORITETI KOMBËTAR
PËR CERTIFIKIMIN
ELEKTRONIK DHE SIGURINË
KIBERNETIKE**

DREJTOR I PËRGJITHSHËM
Dr. VILMA TOMÇO


**AGJENCIA KOMBËTARE E
SHOQERISË SË
INFORMACIONIT**

DREJTOR I PËRGJITHSHËM
Dr. MIRLINDA KARÇANAJ

Datë:

**AGJENCIA KOMBËTARE PËR
PËRGGJIGJE NDAJ INCIDENTEVE
KIBERNETIKE**

DREJTOR I PËRGJITHSHËM
CĂTĂLIN ARAMĂ


DIRECTOR
GENERAL

Datë: